

Na osnovu člana 72. stav (3) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24), Pomoćnik gradonačelnika za Službu civilne zaštite, donosi

ODLUKU o dodjeli ugovora drugorangiranom ponuđaču

Član 1.

Ugovor za nabavku uniformi za pripadnike Mješovite specijalizovane jedinice za hitne intervencije i Gradskog štaba civilne zaštite, dodjeljuje se drugorangiranom ponuđaču „6 Novembar“ d.o.o. Zvornik, koji je, nakon održane e-aukcije ponudio cijenu od 20.442,00 KM bez PDV-a, a nakon što je odabrani ponuđač propustio dostaviti originale ili ovjerene fotokopije zahtijevane dokumentacije, u roku koji je odredio ugovorni organ.

Član 2.

Ovom odlukom stavlja se van snage Odluka o izboru najpovoljnijeg ponuđača broj: 11/11-C-000397-2026 od 06.08.2026.godine kojom se ugovor za nabavku uniformi za pripadnike Mješovite specijalizovane jedinice za hitne intervencije i Gradskog štaba civilne zaštite, dodjeljuje ponuđaču „Eurovez“ d.o.o. Jelah, Tešanj.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11/11-C-000397-2026 od 05.06.2026.godine. Postupak nabavke je proveden putem otvorenog postupka za koji je objavljeno Obavještenje o nabavci broj: 1004-1-1-107-3-175/26 na Portalu javnih nabavki dana 19.06.2026.godine.

Postupak nabavke provela je Komisija za nabavke imenovana Rješenjem broj: 11/11-C-000397-2026 od 05.06.2026.godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih ponuda 4 (četiri);
- da su blagovremeno zaprimljene 4 (četiri) ponude;
- da su 4 (četiri) ponude prihvatljive.

Svi ponuđači su obaviješteni o rezultatima postupka nabavke, te je najpovoljniji ponuđač pozvan da dostavi originale ili ovjerene fotokopije dokumentacije iz člana 45. Zakona o javnim nabavkama, u roku od 7 dana od dana prijema obavijesti o rezultatima postupka.

Obzirom da je odabrani ponuđač propustio dostaviti zahtijevanu dokumentaciju, Ugovorni organ je postupio u skladu sa članom 72. stav (3) tačka a) Zakona o javnim nabavkama i ugovor dodijelio drugorangiranom ponuđaču kao što je i navedeno u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba civilne zaštite
Broj: 11/11-C-000397-2026
Tuzla, 27.08.2026.godine**

**Pomoćnik gradonačelnika
za Službu civilne zaštite**

Mr.sc. Mirela Uljić, dipl.ing.grad.